
Communicaziun a las medias

Worblaufen, ils 30 d'avrigl 2026

Ina clera maioritad da la populaziun svizra sustegna la candidatura per ils gieus olimpics e paralimpics d'enviern 2038

In studi represchentativ da l'institut da perscrutaziun gfs.bern ha mussà che 61 pertschient da la populaziun svizra sustegna la candidatura per ils gieus olimpics e paralimpics d'enviern 2038. L'uniun Switzerland 2038 ha laschè far il studi sut la direcziun dal politolog Lukas Golder.

61 pertschient schessan gea

Entaifer quests 61 pertschient èn 33 pertschient cleramain per ils gieus olimpics e paralimpics d'enviern e 28 pertschient plitost persuerter. Da l'autra vart s'expriman 21 pertschient da las personas intervistadas cleramain cunter ils gieus d'enviern e 13 pertschient plitost encunter. 4 pertschient èn anc indecisas.

Quest resultat mussa ch'ina clera maioritad è per ils gieus olimpics e paralimpics d'enviern, ma era ch'ina part da la populaziun n'ha anc betg fatg definitivamain sia opiniun e che questa opiniun dependa da l'ulteriura concepziun da la candidatura. Be 24 pertschient da las intervistadas e dals intervistads èn da l'avis che la Svizra na duaja betg realisar gieus olimpics e paralimpics d'enviern.

Ruth Wipfli Steinegger, co-presidenta Switzerland 2038:

«Igl è in ferm signal ch'ina clera maioritad da las Svizras e dals Svizzers stat davos la candidatura. A questa confidenza vulain nus satisfar cun planisar ils gieus a moda responsabla e credibla.»

Grafica Cumportament da votar Switzerland 2038: www.datawrapper.de/ /DmrQu/
(Embed-Code unter «Einbetten»)

La candidatura survegn gronda atenziun da la populaziun

Trais quarts da las intervistadas e dals intervistads inditgeschan d'avair udì da l'eventuala realisaziun dals gieus. Gia blers onns avant in'eventuala realisaziun è il tema pia preschent e fa part da la discussiun publica.

Bleras personas san ch'ils gieus olimpics e paralimpics d'enviern èn planisads a moda decentrala e duain avoir lieu en l'entira Svizra. Auters puncts centrals da la candidatura, sco per exempel ils aspects finansials u il fatg ch'ils gieus dovran l'infrastructura existenta, èn percenter anc main enconuschents.

Il studi mussa er in grond interess per il sport d'elita e da prestaziun durant l'enviern: 77 pertschient da la populaziun han persequità en ina furma u l'autra ils gieus olimpics e paralimpics d'enviern 2026 a Milano-Cortina.

Ferms arguments en favur da la candidatura

Il studi conferma che la populaziun approvescha per gronda part ils arguments centrals da la candidatura. Ina fitg gronda maioritad (79 pertschient) è persvadida che la Svizra posseda l'infrastructura necessaria ed ina rait da mobilitad effizienta per realisar cun success in'occurrenza gronda internaziunala. Medemamain vegn in'occurrenza decentrala percepida sco fermezza, perquai ch'ella sa basa sin structuradas existentas e sin experientschas cun occurrenzas internaziunalas (74 pertschient consentiment).

70 pertschient da las personas intervistadas vesan ultra da quai ina plivalur per la societad. Per ellas èn ils gieus ina schanza per rinforzar la coesiun en il pajais e per colliar pli ferm las differentas regiuns linguisticas.

Spezialmain ferm è l'argument da la promoziun da la giuventetgna. Ina gronda maioritad da 74 pertschient è da l'avis che gieus olimpics e paralimpics d'enviern possian dar impuls positivs a giuvnas sportistas e giuvens sportists. 20 pertschient inditgeschan schizunt che quai saja per els il motiv principal en favur dals gieus olimpics e paralimpics d'enviern.

Plirs elements da tut quests arguments per la candidatura or dal studi correspundan als resuns en connex cun la consultaziun da la Confederaziun, tranter auter davart l'infrastructura, ils avantatgs per la societad e la promoziun dal sport.

Frédéric Favre, CEO da Switzerland 2038:

«La Svizra dispona da tut quai ch'è necessari per organisar gieus d'enviern ch'èn persistents e fan punts. Cun in'occurrenza decentrala nizzegiain nus las infrastructures existentas ed il know-how local per entusiasmar in pajais per in project naziunal che collia ils umans sur ils cunfins linguistics e regiunals.»

Grafica Arguments a favur da la candidatura per ils gieus olimpics:

www.datawrapper.de/_EmGuY/

(Embed-Code unter «Einbetten»)

Puncts da critica duain dar impuls a la candidatura

Sper il consentiment mussa il studi era cleramain las resalvas da la populaziun. Quellas sa concentreschan sin temas centrals che han gia influenzà anteriuras candidaturas olimpicas. Cun la differenza che las candidaturas da pli baud eran previsas en singulas regiuns, entant che la candidatura actuala vegn inoltrada per l'emprima giada da l'entira Svizra.

Ina part da las intervistadas e dals intervistads (57 pertschient) tema ils ristgs finanziaals ed ils eventuals deficits che stuessan la finala vegnir purtads dal maun public. L'uniun Switzerland 2038 prenda fitg serius questas vuschs e prevesa perquai in model finanzia per 82 pertschient cun daners privats. Era per in eventual deficit vegnan ad esser responsabels ils privats e betg il maun public.

Lenka Kölliker, co-presidenta Switzerland 2038:

«Damai che las garantias da deficit da 200 milliuns francs na duessan betg vegnir concedidas dal maun public, prendain nus en vista ina finanziaziun privata. Nus sentin in ferm sustegn da l'economia ed avain plaschair da cuntanscher la finamira pli probabel gia ils proxims mais.»

Medemamain existan dubis, sche gieus olimpics e paralimpics d'enviern pon vegnir realisads a moda persistente en vista a la midada dal clima (53 pertschient). Grazia a sia rait da traffic excellenta, en spezial il traffic public, e grazia a la clera intenziun da duvrar per ils gieus mo l'infrastructura existenta e da betg construir ina nova, ha la Svizra las meglras premissas per realisar ils gieus d'enviern a moda uschè persistente sco pussaivel.

Plinavant vesa ina minoritad (47 pertschient) il model decentral cun egl critic, cunzunt tar la dumonda, schebain il character olimpic vegnia mantegnì. L'uniun Switzerland 2038 ha a chaschun da sia visita dals emprims gieus decentralis en l'istorgia a Milano-Cortina realisà questa sfida ed integrà las experientschas en la planisaziun.

Da princip na sa drizza la critica betg encunter la Svizra sco lieu d'occurrentza u cunter il concept da la candidatura. Plitost manifesteschan las resalvas ils svilups globals e las dumondas davart las finanzas e la persistenza. Tenor Switzerland 2038 èn quellas resalvas legitimas.

Facit

L'uniun Switzerland 2038 vesa ils resultats dal studi sco conferma per la via instradada. Ils resultats dattan er inputs prezios per sviluppar vinavant la candidatura. Ensemen cun partenarias e partenaris dal sport, da la cultura, da l'economia e da la societad vul Switzerland 2038 stgaffir la basa per ils gieus olimpics e paralimpics d'enviern che vegnan dabun a l'entir pajais.

[Colliaziun al rapport final da l'enquista da gfs.bern](#)

Contact

Sophie Lamon
marketing-communicaziun e legacy
medien@switzerland2038.ch
+41 78 817 93 96
switzerland2038.com

Uniun Gieus olimpics e paralimpics d'enviern Svizra 2038
Verein Olympische und Paralympische Winterspiele Schweiz 2038
Olympic and Paralympic Winter Games Switzerland 2038 Association

c/o Swiss-Ski
Home of Snowsports
Arastrasse 6
3048 Worblaufen

Infurmaziun a las redacziuns

Ils 29 da november 2023 ha il Comité olimpic internaziunal decidi d'admetter la Svizra en ina fasa dal «dialog privilegià» per realisar ils gieus olimpics e paralimpics d'enviern 2038. Quest status signifitga che la Svizra ha temp enfin la fin da l'onn 2027 d'aprofundar ils temas discutads e d'entrar exclusivamain en il «dialog cun clerass intenziuns» per ils gieus 2038.

L'uniun Switzerland 2038 è vegnida fundada per inoltrar ina candidatura e per organisar en cas d'ina attribuziun ils gieus olimpics e paralimpics d'enviern 2038 en Svizra. Commembras da l'uniun èn las federaziuns naziunalas dal sport d'enviern olimpic (SWISSCURLING, Swiss Ice Hockey Federation, Swiss Ice Skating, Swiss Sliding, Swiss-Ski) sco era Swiss Olympic e Swiss Paralympic. Las organisaziuns èn represchentadas en la suprastanza. L'uniun vegn presidiada comunablamain da Lenka Kölliker, la presidenta da SWISS CURLING, e da Ruth Wipfli Steinegger, la vicepresidenta da Swiss Olympic. Frédéric Favre, l'antierur cusseglier guvernativ dal chantun Vallais, è il manader operativ da l'uniun.